

CONSUELO FERREIRO REGUEIRO, SECRETARIA XERAL DA UNIVERSIDADE DE SANTIAGO DE COMPOSTELA,

CERTIFICA, antes da aprobación da acta correspondente, que o Consello de Goberno, na sesión ordinaria celebrada o 5 de abril de 2017, aprobou por asentimento o calendario académico para o curso 2017-2018.

E para que así conste, asino a presente certificación en Santiago de Compostela, a 17 de abril de 2017, co Vº e Prace do sr. reitor.

Vº e prace

O reitor



Juan M. Viaño Rey



CALENDARIO ACADÉMICO CURSO 2017-2018
(Aprobado polo Consello de Goberno o 5 de abril de 2017)

1. DISPOSICIÓN XERAIS

O curso académico 2017-2018 organizarase en dous períodos académicos, e abarcará dende o día 1 de setembro de 2017 ao 31 de agosto de 2018, agás os días marcados como festivos ou non lectivos neste calendario.

O calendario será único para os estudos adaptados ao EEES.

O primeiro período para impartición de docencia iniciárase o día 11 de setembro de 2017 e rematará o 18 de decembro de 2017. Os másteres oficiais poderán retrasar o comezo do curso ata o 25 de setembro.

O segundo período para impartición de docencia iniciárase o día 30 de xaneiro de 2018 e rematará o día 15 de maio de 2018.

Con independencia da data de defensa, a entrega dos TFG/TFM para defender no mes de setembro farase tendo como data límite o 31 de xullo de 2018.

En consecuencia, o calendario de docencia, período de cualificacións e entrega de actas será o seguinte:

PRIMEIRO PERÍODO

	INICIO	FIN
PERIODO LECTIVO	11/09/2017	18/12/2017
PERÍODO DE APERTURA DE ACTAS	19/12/2017	31/01/2018

DEFENSA TFM/TFG	31/01/2018	23/02/2018
PERÍODO DE APERTURA DE ACTAS	31/01/2018	12/03/2018

SEGUNDO PERÍODO

	INICIO	FIN
PERIODO LECTIVO	30/01/2018	15/05/2018
PERÍODO DE APERTURA DE ACTAS	16/05/2018	22/06/2018

DEFENSA TFM/TFG	22/06/2018	20/07/2018
PERÍODO DE APERTURA DE ACTAS	22/06/2018	27/07/2018

PERÍODO DE APERTURA DE ACTAS SEGUNDA OPORTUNIDADE DO PRIMEIRO E DO SEGUNDO SEMESTRE	26/06/2018	27/07/2018
--	------------	------------

DEFENSA TFM/TFG (SETEMBRO)	04/09/2018	18/09/2018
PERÍODO DE APERTURA DE ACTAS TFM/TFG	05/09/2018	28/09/2018

2. PERÍODO DE CELEBRACIÓN DOS EXAMES

Cada centro ou Comisión Académica de Máster, en función das súas características e/ou circunstancias, fixará o período de exames de cada oportunidade dentro do período de apertura das actas, debéndose respectar, en todo caso, o prazo de revisión das cualificacións provisionais.

Consonte o artigo 8.2 da *Normativa de avaliación do rendemento académico dos estudantes e de revisión de cualificacións* (aprobada no Consello de Goberno do 15 de xuño de 2011), o prazo para a revisión das cualificacións provisionais “non poderá ser inferior a tres días hábiles contados desde o día seguinte ao da data de publicación da lista”, de xeito que o último día para a publicación de dita lista será:

- a) Na primeira oportunidade do primeiro semestre o **25 de xaneiro de 2018**.
- b) Na primeira oportunidade do segundo semestre o **18 de xuño de 2018**.

- c) Na segunda oportunidade do primeiro e do segundo semestre o **20 de xullo de 2018**.

3.- CONVOCATORIA EXTRAORDINARIA DE FIN DE CARREIRA PARA GRAOS E MÁSTERES

As datas de realización dos exames da convocatoria extraordinaria de fin de carreira para as titulacións de Grao e Máster, así como a data límite de sinatura das actas, coincidirán coas previstas para a realización de exames e para a sinatura das actas do primeiro semestre.

4.- PERÍODOS NON LECTIVOS

Os períodos de interrupción da actividade académica serán: a) dende o sábado 23 de decembro de 2017 ata o 7 de xaneiro de 2018 (ambos os dous incluídos); b) o luns e martes de Carnaval (12 e 13 de febreiro de 2018); e c) a Semana Santa, dende o 26 de marzo ao 30 de marzo de 2018 (ambos os dous incluídos).

Terá carácter festivo e, polo tanto, non lectivo, o luns 29 de xaneiro de 2018, día ao que se traslada a festividade de Santo Tomé de Aquino, ademais dos días declarados festivos polo Estado, a Comunidade Autónoma e, en cada Campus, os correspondentes as festas locais.

En cada centro, terá carácter non lectivo o día de celebración da súa festividade. A estes efectos, son festividade dos centros as seguintes:

- 4 de outubro (S. Francisco de Asís). Facultade de Veterinaria
- 18 de outubro (S. Lucas). Facultade de Medicina e Odontoloxía (Lic. en Medicina)
- 15 de novembro (S. Alberte Magno). Facultade de Bioloxía, Física, Matemáticas, Química e Ciencias
- 27 de novembro (S. Xosé de Calasanz). Facultade de Formación do Profesorado
- 8 de decembro (Inmaculada). Facultade de Farmacia
- 13 de decembro (Sta. Otilia). Facultade de Óptica e Optometría
- 23 de xaneiro (S. Raimundo de Peñafort). Facultade de Dereito
- 9 de febreiro (Sta. Apolonia). Facultade de Medicina e Odontoloxía (Lic. en Odontoloxía)
- 24 de febreiro (Xoán Huarte de S. Xoán). Facultade de Psicoloxía
- 8 de marzo (S. Xoán de Deus). Facultade de Enfermería
- 9 de marzo (natalicio do Padre Sarmiento). Facultade de CC. da Educación
- 19 de marzo (San José). Facultade de Ciencias Políticas e Sociais.
- 5 de abril (S. Vicente Ferrer). Facultade de CC. Económicas e Empresariais e Fac. de Administración e Dirección de Empresas
- 15 de abril (natalicio de Leonardo da Vinci). Escola Técnica Superior de Enxeñaría
- 22 de abril (Día da Terra). Escola Politécnica Superior

- 26 de abril (S. Isidoro de Sevilla). Facultades de Filoloxía, Filosofía, Humanidades e Xeografía e Historia.
- 1 de maio (Día do Traballo). Facultade de Relacións Laborais
- 3 de maio (Día da Liberdade de Expresión). Facultade de Ciencias da Comunicación

Coa finalidade de aproveitar ao máximo os días lectivos, se ditas festividades coinciden en martes ou xoves, celebraranse o luns ou venres máis próximos, e se cadraran en mércores trasladaranse ao venres. As que coincidan en sábado, domingo ou festivo celebraranse o día lectivo anterior ou seguinte.

Será inhábil para a convocatoria dos órganos colexiados nos que participe o Sector III (alumnado) do 24 de decembro de 2017 ao 31 xaneiro de 2018, e do 1 ao 22 de xuño de 2018. Exceptúase do anterior, a convocatoria extraordinaria dos órganos colexiados de goberno por motivos de urxencia e/ou gravidade.